

珠河縣志

己巳九月

王步如署



珠河縣志

己巳秋九月

瀋陽王克勤署





77434

珠河縣志序

鄭漁仲嘗謂古之學者索象於圖索理於書故人易爲學亦易爲功而蕭何得秦圖書以具知天下之要所謂圖者山川險易星土分合之圖也書者貢賦多寡九等之書也自有方志之書郡縣之政俗形勢益燦焉具備吉省昔爲根本重地封禁固守迨俄人經營中東鐵路翻然覺悟改置行省於是一變而爲遠東門戶然沿路線各地多草萊未闢近年始擇要添設縣治珠河縣其一也考珠河舊名烏吉密羣山四拱沃野平鋪往時伏莽之奸踞爲巢窟剿捕之法有時不得行牧畜耕稼之利不聞金錫絲枲之饒不與惟地居扼要爲東路咽喉頻年擘畫經營規模畧具雖百堵猶未盡興而廨署倉獄賓邸爨舍次第建置道塗輟結帆轡櫛比民歌樂裕富庶可期茲縣令孫君列其疆域考其沿革本其物用綜其措施成珠河縣志若干卷披圖啟籙漸有可觀邇者邊境風雲變

幻莫測東北情勢益爲留心邊事者所注重然必周知吉省之情勢而後可以
論東北之情勢必周知各隅之情勢而後可以論吉省之情勢是編之書不僅
爲采風之考證有以知形束壤制之端安內攘外之要於邊務國防有裨益焉
是爲序

中華民國十八年十月吉林省政府主席張作相序

東門外... 吉林... 邊疆... 國防... 裨益... 是爲序

珠河縣志序

珠河於古無徵因境內有大亮珠河遂以名焉舊屬同賓轄境入民國後始設縣治山高土厚物產豐饒墾民多樂趣之然林麓叢深萑苻宵小亦往往伏匿於其間令茲土者每以鷹鷲搏擊爲能而於文化弗加之意是何昧其本而齊其末耶近歲國家功令凡曩無志書各縣督令從事編輯藉明敷教播治之由意至善也夫疆域之沿革風俗之淳漓物產之盈虧民生之消長掎摭掇拾彙爲一編皆文化之所著固不必名宦寓公執文科第聲名文物博引旁徵始足以宏我地望垂諸奕葉也此志肇始於民國十七年四月告成於民國十八年十月歷時未久而敘述秩然擷其要旨輟其浮華俾施政者恍然而知所措邑令孫君之功可爲鉅矣因述脩志之概要以爲他邑之未成書者告

民國十八年十月武進潘鶚年

吳國十八年十月九日

會其其之其可也

十月日知宋人而後

以或再狀

一

意

其

其

其

其

其

珠河縣志序

昔吾宗實齋先生有州縣請立志科之議謂六科之外州縣紀載並無專人典守大義闕如有好事者流修輯志乘率憑一時采訪人多庸猥例罕完善甚至挾私誣罔賄賂行文是以言及方志薦紳先生每難言之蓋天下大計既始於州縣則史事責成亦當始於州縣之志蓋以登載有一定之法典守有一定之人故州縣之志不可取辦於一時平日當特立志科僉典吏之明於文法者以充其選而且立爲成法俾如法以紀載略如案牘之有公式則無妄作聰明之弊積數十年之久則訪能文學而通史裁者筆削成書又積而又修之於是不勞而功效已爲文史之儒所不能及旨哉言乎所謂貫串史學洞達治本者矣頃珠河縣縣長孫君蘭甫以新輯珠河縣志稿二十卷來屬爲弁言珠河故地在漢爲挹婁國在唐爲勃利州在遼爲女真本部在金爲胡里改在明爲努兒

千在清爲甯古塔轄境至光緒間始設長壽縣巡檢民國五年更名同賓十一年改爲烏珠河設治局十六年始改今縣夫設縣不及三年而縣志已哀然成帙况僻在邊塞文獻無徵百堵皆興日不暇給如孫君者寧非好整以暇及披覽志稿則與實齋所議頗多吻合卽如與掾屬金檀孫諸君商榷各任分纂及調查非所謂特立志科僉典吏以充其選乎聘宋君爲總纂非所謂訪能文學而通史裁者筆削以爲成書乎縣爲新設志屬初創雖不免於僻陋而憑一時之采訪挾私誣罔之弊則可信其必無夏造殷因各有所蔽而天造草昧固較改絃更張易於爲力斯志草創假以歲月討論潤色他日重修必有一日千里之勢至實齋之意欲於縣署特立志科以爲平日錄副本藏圖籍之用誠爲要圖惜形格勢禁非今日所可躋及爲縣長者果能心通其意與邑中賢士大夫砥厲琢磨稽志改善一舉一動必求其足以奮直筆而入國史葢爾彈丸固無

珠河縣志序

吉省哈綏路綫珠河其要衝也舊屬於同賓南境五常北境自同五官荒處開
放招墾土地逐漸擴張偏隅初盡荏符隴畝且滋紛糾嗣經 王省長維宙准
人民代表朱星五等之請於壬戌夏在珠河鎮設局治事瀋陽李君春榮首任
設治員創辦年餘規模粗具歲甲子閏侯林君珪繼任辦理未久乙丑冬遂易
撫順孫君荃芳治之孫君力任其難興利除弊於其間蒸蒸然將近五載予自
癸亥春奉省命調吉清鄉按限周巡蒞珠境凡四次標本兼治端賴 軍 政長
官對於軍警團隊嚴厲督責協助暨地方賢良吏籌治有方斯邑得以又安學
警商農相率振興種種成績固不可不傳之紀載今孫君奉署理之令因珠河
改縣後一切建設告成以監纂縣志乞予作序予何辭哉古者列國皆有史史
所紀錄謂之志周官小史掌邦國之志蓋卽後世郡縣志所由昉矣取郡縣志

而蒼萃之則有省志取省志而蒼萃之則有一統志是縣志之修尤亟亟而不容稍緩然非自別於流俗敦崇實際視爲急務者亦不能挈然而有當凡省轄四十二縣大半成有志書每值輪遞所過之區往往究其輿地物產風俗宗教金石形勝諸端有志則校勘無志則追考惟於珠河一邑屢就公便周覽時以紀載缺如爲憾乃孫君荃芳簿書之暇與邑之士紳宋景文等潛心於境內諸所應記之事實雖乏長老取證而網羅墜簡檢拾舊聞甫將成編考厥囊貫古今粲然具備成一邑之典則用心致力可謂誠且勤矣西接阿城南連五常北毗同賓新治之善改善教較諸舊治殊不少遜至東隣葦河設治同時改縣亦同時而地勢略異望彼殷殷求治者相繼而媲美焉是爲序

中華民國十八年己巳安徽歙縣曹祖培撰

珠河縣志序

民國十四年乙丑冬十月余捧檄宰斯邑尙在設治期間名爲烏珠河設治局
歷經瀋陽李君紫陽閩侯林君伯桓兩任經營蓋設治已三年矣規畫雖具縣
治未成始至之日值軍興未已盜賊滿野戢軍弭盜日不暇給斯邑素號匪區
他務未遑以保治安爲急購械自衛又款無所出無已請於護路軍總司令部
假以械彈亟整團隊民賴以安自是商農麇集設肆墾荒地漸繁盛十五年秋
清鄉總辦曹公巡方蒞其境歎爲地面發達有一日千里之勢非改縣治不足
以圖進展電請 省府交道核議蒙 道憲蔡公力陳設治成績實有改縣之
必要覆蒙照准於十六年五月奉令援勃利成案改爲三等縣缺命名曰珠河
仍委荃芳知縣事而警學農商實業交通次第興舉縣署因而建築民乃大和
猥以珠邑爲新造之邦欲其地理歷史政教風俗久而不湮非有記載不足以

供查考免散逸歲斯紀載非縣志不爲功奈草萊初闢文獻無徵擬修縣志夫
豈易易迺與科長金君嘯宇財務處主任檀君荷清荒務監察員孫君貫一公
餘商榷僉云欲興斯役首在得人詢諮延訪得宋君博庵積學者宿由龍江治
荒來此聘爲總纂尤君玉書沙君滋圖溫君樹毅及金檀孫三君共膺分纂復
聘縣農會長李君洞塵商會長郭君子明教育局長高君嵩齡士紳王君毓峯
等十餘人膺調查于役諸君對珠河設治均身經其事歷其時處其地各方宿
儒萃聚於斯人才既得事益難緩十七年春請准 省憲由地方自治款動用
二千五百元不得溢支提倡督飭不稍寬假而諸君者以事屬正辦義不容辭
縱枵腹亦不惜奚計及款之多寡乎 荃芳 欽其熱誠踵事纂修今得歲事哀然
卷帙煥乎成章荒僻之區遽而得此詎意料所及哉竊因之有感矣文化之興
鬱之斯光聚之斯大珠河自金元以後蕪沒空山寂然無聞積數百年之精華

自設治而始發軔其孟晉未可量也邑無土著戶盡流居四方才智之士接踵而來其灌輸知識溝通學問較故步自封之邑收效爲尤速况地當東鐵之衝交通便利物產豐富兼之山水明秀子弟聰穎發展前途甯有既極幸斯土者與當地共事諸紳如置縣志於不顧異日者輜軒問俗長吏觀風農牧傳聞失實父老語焉不詳有志之士無從考證未免山靈笑客人文鬱湮奚以對此佳山水良子弟斯志之修縱言之無文而事必有徵以待來者續修而潤色之此志可作嚆矢焉奚懼人之笑我拙耶書成謹誌其始末俾後之君子有所參考云爾是爲序

中華民國十八年歲次己巳九月知珠河縣事孫荃芳序於新建官廡

序

溯自金源時代上京會寧(卽阿城南之白城)爲金之舊土初視爲內地今之珠河境原屬金上京路金製女真字增設女真國子學設諸路府學東北文化曾以爲策源地因胡元崛起出師征金前後八次師行所至皆爲澈底殘毀金源文獻遂爲之蕩然殆盡至明成祖底定東北征服韃靼海峽於此地設窩集衛所置努兒干都司以統治之迄於明季各部酋長乘中原多事互爭霸權遂爲滿洲所統一滿清又因迷信風水以其地爲愛新氏發祥重地土地林木悉予封禁雖達官貴胄亦不敢輕議設官貽誤於開拓邊境殊非一世有清中葉禁網稍開漸知邊遠有殖民之必要然設官分治率由政府自動人民尙無言權民國告成完全弛禁農商各業稍具萌芽東鐵午貫全境地方文物日躋於開明之域三五旅舍之荒村一二炊煙之墟里轉瞬之間棟宇櫛比加以鐵路

需要各種物質交通便利遠方人士雲集斯土從事招墾興言設治榛荒一變爲畝迄於今日乃成爲閭閻相望商賈喧闐之鬧市焉癸亥四月烏珠河設治局成立丁卯五月經設治員孫公呈准升縣並委孫公繼治署知縣事旋孫公組設建築委員會闢街基籌款項興建縣署監獄警察所財務處教育局保安馬步各隊各機關歷經年餘戊辰夏縣公署落成土地人民確敷縣治考成知事孫公以此地風物山輝川媚將來發達無可限量思爲文以記之是以有創修縣志之議議成以總纂一席囑文夫志爲一縣史乘以謙陋如文者司其事得毋貽羞鉛槧乎公曰好在經過情形歷在目前卽其所知者言之徵實紀事不必以文字工拙計也文以地方分子勉爲其難茲者志書已成將付剞劂爰是爲序以誌之

博庵宋景文序於縣志局

序

凡事守成易而創始難因其舊而增益之與當其新而創造之其力之勤惰未易侔而其成就之完備與否亦未易比並也縣志一書關於一縣之人物政治文藝物產疆域風俗等事至爲重要故欲觀一縣之文野豐嗇治忽卽其縣志而可以知之珠邑地居偏僻開發較晚以視其他各縣有文獻之足徵者初何敢相提並論顧自 蘭公縣長蒞任以來勵精圖治其所以建設啓發之者不遺餘力以故凡各縣之所有者此間亦皆有之而關於招徠農民生而聚之闢城建署以立根基爲事更勤以致漸呈豐裕之象而文化一事尤孳孳未已於是爰有縣志之作 蘭公總其成而以同人等分司其事筆路藍縷爲事頗難其所以搜集採輯之者倍感困難顧以一縣文化之所係 縣長之所督促不敢不勉爲其難用能集銖累寸輯成是志以爲採風問俗者之一助並爲後之

修斯志嚆矢至於採訪有所未周記載有所未備以創始困難之關係續斯志者或能有所見諒歟

中華民國十有八年重九日瀋陽王承烈拜序

（The following text is extremely faint and largely illegible due to fading and bleed-through from the reverse side of the page. It appears to be a preface or a long inscription, but the characters are too light to transcribe accurately. It seems to contain several lines of vertical text, possibly including a date and a signature, which are partially obscured by the main title and the date below it.)

取

（Faint vertical text at the bottom left, likely a page number or a reference mark, possibly reading '取' or similar characters.)

珠河縣志卷首

凡例

一仿照志書成式分類編輯凡定爲總目二十卷曰輿地志曰墾殖志曰建置

志曰設治志曰職官志曰選舉志曰警團志曰教育志曰財政志曰戶口志

曰實業志曰物產志曰交通志曰人物志曰風俗志曰宗教志曰形勝志曰

金石志曰藝文志曰拾遺志都爲二十卷每志爲一卷敘述先用弁言後分

細則綱舉目張以求勿失體例

一凡關於政治記述在升縣以前仍用設治局名稱從其朔也改縣後適用珠

河縣名義

一縣境全部皆山森林徧地中古以前皆稱窩集部惟考徵歷代沿革則以唐

之黑水府金之上京路較爲信寔

五 州 縣 志
一自設治以前均以前代疆域爲依據如金都會寧清設阿勒楚喀副都統及賓州府同賓縣相沿迄今而珠河縣志始有文獻可徵

一考據歷史沿革引用原案之下統加按語以誌分別

一記述全境山脉河流統按警學區域分別記載以清眉目

一中東路經過縣境大小五車站鐵路佔地暨附屬地畝共佔地八千五百响佔地之廣甲於東鐵全線特誌之以示勿忘

一珠河縣與五常同賓葦河諸縣分界全以山脉河流爲天然界址特將界址圖說附入輿地志以備考證

一縣境土地在招墾時代並未規定村制一時租佃之戶隨地建房不成村落現奉省令規畫區村以便守望是以村屯一志暫付闕如

一榛莽初闢社會狀態僅具萌芽美固可述弱點亦不必諱言也從實記載以

資改進

一採訪藝文其有關於地方掌故者方能紀錄否則概從刪減
一編共分總目二十卷每卷分列細目以便省覽

一 縣城在縣東南以新代城城在縣城之西

一 縣城在縣東南以新代城城在縣城之西

一 縣城在縣東南以新代城城在縣城之西

一 縣城在縣東南以新代城城在縣城之西

一 縣城在縣東南以新代城城在縣城之西

一 縣城在縣東南以新代城城在縣城之西

一 縣城在縣東南以新代城城在縣城之西

一 縣城在縣東南以新代城城在縣城之西

一 縣城在縣東南以新代城城在縣城之西

一 縣城在縣東南以新代城城在縣城之西

一 縣城在縣東南以新代城城在縣城之西

一 縣城在縣東南以新代城城在縣城之西

珠河縣志卷首

纂修職名

珠河縣 縣長 孫荃芳

總纂

優 附 生 宋景文

分纂

珠河縣 政 府 科 長 金鵬寰

珠河縣 政 府 承 審 員 王承烈

珠河縣 財 務 處 主 任 檀光祿

一 學 面 橫 坡 試 商 驗 會 俊 坐 辦 士 溫景達

前 奉 天 海 龍 縣 農 師 會 範 畢 業 長 沙振洛

朱河縣志 卷一 卷首 纂修職名

奉天西安縣第一師範畢業
清理荒務第壹察員
奉天兩級師範學校畢業
前珠河縣教育局長

孫羽林
尤祥麟

調查

珠河縣教育局局長

高壽山

珠河縣農會會長

李相忠

前一面坡商會會長

郭亮

珠河縣保衛團總隊長

李玉山

珠河縣公安局局長

戴海臣

前財務處主任

沙振川

前保衛團總隊長

王毓峯

珠河縣烏吉密農會會長

王治洲

珠河縣亮珠河農會會長

佟匯泉

珠河縣政府荒務科主任

董致中

珠河縣商會會長

許連玉

前一面坡農會會長

陳繼唐

奉天鳳城師範學校畢業

車同殷

前珠河縣六區農會文牘員

趙文超

校對兼繕字

天津中學畢業

李維鴻

珠河縣志總目

卷首

序言

肖像

凡例

纂修職名

珠河縣全境圖

珠河縣街市圖

卷一

輿地志

卷二

墾殖志

卷三

建置志

卷四

設治志

卷五

職官志

卷六

選舉志

卷七

警團志

卷八

教育志

卷九

財政志

卷十

戶口志

卷十一

實業志

卷十二

物產志

卷十三

珠
河
縣
志

卷一
總目

二

交通志

卷十四

人物志

卷十五

風俗志

卷十六

宗教志

卷十七

形勝志

卷十八

金石志

卷十九

藝文志

卷二十

拾遺志

卷一

卷二

卷三

卷四

卷五

卷六

卷七

卷八

卷九

卷十

卷十一

珠河縣志卷一目錄

輿地志

經緯

沿革

地質

暑刻

氣候

山脉

河流

疆界

村屯

珠河縣志

輿地志

珠河原名烏吉密河屬瑪琍河支流縣治居珠河右岸原屬同賓轄境勝清時同賓舊屬賓州隸阿勒楚喀副都統管轄明日瑪琍河衛金稱烏濟赫部女真以前爲契丹所統一魏隋時代統名爲勿吉靺鞨再溯及肅慎挹婁總不外乎漁獵部族相沿數千年而東北諸夷王迹已熄地理上遂生自然之變化焉

然遠望五嶽皆垂于手而東北指夷王營已渺然塵土之中自然之靈治者
以乘五嶽之靈每一靈潮和升降亦或吉或凶再陽文惠潛研理雖不長年
同言其靈實極然則神聖之靈極而升者辭曰恐與兩湖全壽氣相蒸而文真
非所至矣且古密其靈也靈則文而靈當領教而升學道與同其靈也

與世志

叙所志

珠河縣志

輿地志

經緯

珠河縣境按中華地圖及吉林省圖核定東起大青頂子山東東經十一度三十五分西至筆架山東經十二度十分南起火石山即大面山北緯四十四度三十五分北至老土頂子山北緯四十五度十八分東西占地三十五分南北占地三十三分以每度二百里率測之每分三里有奇全境縱長百餘里橫闊一百二十餘里許面積一萬二千二百方里

珠河縣城在烏珠河之陽當北緯四十五度十一分東經十一度五十分位於全境稍偏東北

按以上經緯度均按設治後與同五葦各縣劃分界址所定

若以土疆辨則此若越而正東各縣在界外

全縣界說東北

北所離城五里和河之側當北界四十五里十一分東離十一里正十分當北
二十餘里南離一萬二千二百六里

三十三分以神聖二百里事隔之每分三里皆各全數猶幾百餘里離關一百

五十分北至界上界山北界四十五里十八分東四占獻三十五分南界占獻

十五分西至邊界山東離十二里十分南距六百山山北界四十四里三十

將河離界中離界外有界官關封家東臨大河距于山東東離十一里三

界

界

界

珠河縣志

輿地志

沿革

虞舜二十二年息慎來朝亦名稷慎

周武王十五年肅慎貢矢

晉書肅慎國居不咸山之北東濱大海西接寇漫汗國北極弱水

按不咸山金改爲長白山其北幹分枝並走以達於松花江岸珠河全境適

居北幹分脈之中間松花江古名弱水又名黑水松漠紀聞宋洪皓著云長白山

在冷山東南千餘里黑水發源於此舊云粟末河契丹破晉改爲混同江古

人謂江亦曰海括地志謂東與北各抵大海北面之海卽指松花江珠河北

距松花江二百里全境諸山皆長白北幹之支脉

漢書東夷傳挹婁在夫餘東北千餘里東濱海南接北沃沮地多山險邑落山林土氣寒劇古之肅慎國也挹婁恃山險喜乘船寇鈔鄰國患之

按漢書云夫餘國在玄菟北千里挹婁國去夫餘千餘里以道里計之夫餘國當在長春農安一帶而長春東北敦化縣迤北松花江迤南皆挹婁國境也沃沮窩集爲一音之轉珠河境內森林夙名窩集卽北沃沮之故壤也析言之則挹婁在北沃沮之北渾言之挹婁亦北沃沮也又謂挹婁地多山險土氣寒劇證以氣候習尙今之珠河縣境當係挹婁本部

魏書勿吉國有粟末水南有徒太山邑落各有酋長凡七部曰粟末部依粟末水以居今松花江上游地曰伯咄部卽伯都訥

今扶餘縣

曰安車骨部卽阿勒楚

喀今阿城及五常曰拂涅部卽寧古塔三姓

今寧安依蘭

曰黑水部卽松花江之

中區曰白山部卽敦化琿春西境

見吉林通志

按七部朝貢魏隋統名曰勿吉靺鞨古肅慎也亦卽挹婁七部所居均松花江流域界於拂涅黑水之間者曰安車骨部珠河縣卽安車骨之舊部

唐開元中靺鞨酋來朝拜爲勃利州刺史遂置黑水府

按松漠紀聞於黑水之名言之最晰掬其水色微黑故曰黑水蓋黑水卽松花江舊名粟末亦曰混同蓋一水而有四名也遼畧云勃利州治今已無考其府曰黑水當在松花江流域今阿城以東地帶屬金上京會寧府女真發祥於此必爲黑水部無疑黑水府因黑水部而得名勃利州必又爲金之上京無疑今珠河縣境距阿城南之白城卽金上京二百餘里地帶又適居東方其爲勃利州近畿之地毫無疑義今之勃利縣以爲勃利州之邊境則可非唐之勃利州治也

遼主阿保機

一名按巴堅

併吞七部北侵室韋女真女真卽黑水靺鞨五代時屬遼

號女真有生熟黃頭三部後避遼主宗真諱改曰女直遼主欲分其勢徙豪右數千家於遼陽謂之曷蘇館卽熟女真其未徙者曰生女真

按遼雖併吞七部而黑水靺鞨一如唐羈縻州之制女真部族仍分領松花江南北諸地珠河縣境卽生女真之本部

宋建隆二年女真貢馬於宋宋主詔蠲登州沙門島租賦令專治舟船渡其所貢馬

按女真貢馬於宋因其不隸遼籍故得自主入貢斯時女真本部卽肇基於按春虎部卽今阿什河導源於帽山西距縣境九十里卽女真發祥之地

宋熙寧七年遼五國穆延部舍音叛遼女真部節度使烏古廝伐之舍音敗走烏古廝將見遼主自陳敗舍音之功行次拉林水

按金史地理志上京會寧府有拉林河舊作來流亦曰徠流河縣境大泥河卽拉林河

之支流適居金上京東南

宋崇寧二年高麗與女真通好高麗醫者自女真還言於高麗王曰女真居黑水者部族日彊兵益精悍其王乃通好於女真

按高麗所稱女真居黑水者即唐之黑水府也

宋政和三年女真阿古達即阿古打自稱達貝勒初遼主如春州即今長春幸混同江釣

魚生女真酋長在千里內者以故事皆來朝適遇頭魚宴遼主命諸酋次第起舞至阿古達辭不能諭之再三終不從阿古達歸先併旁近之族自稱達貝勒

按女真之先曰函普自高麗來居完顏部六傳而至烏古鼂役屬諸部會五

國富彞赫部自古塔東北遼時自此而東凡五國叛遼烏古鼂襲而擒之遼主以爲生女真節

度使然不肯受仰繫遼籍又五傳而至阿骨達春州即今之長春由春州幸

混同江當係江之上游頭魚起舞阿古達辭以不能遼主無如之何彼時完

顏氏勢力已徧布於混同流域矣

宋政和四年冬十月阿古達舉兵攻遼每歲遣使市名鷹海東青於海上道出生女真使者貪縱女真厭苦之稍拒市鷹使者及阿骨達襲位屢遣使索阿蘇遼主不許阿古達乃召其所屬備衝要建城堡修戍器遼人詰之阿古達曰大國德澤不施而逋逃是主以此字小能無望乎若還阿蘇朝貢如故不然城未已遼主遂發渾河北諸軍益東北路統軍司阿古達徵集諸路兵九月會於拉林水一戰而勝進軍寧江州

即今扶餘縣治東二百里之石頭城子

填塹攻城寧江人自東門出阿古達邀擊之

按遼主市鷹之地即五國城

俗傳爲三姓城今名依蘭

市鷹使者道出生女真即今阿城

迤東賓州裴克圖諸地

宋政和五年正月女真宛顏阿骨達稱帝國號金金色白不變不壞完顏色尙

白建都按春虎水卽靺鞨七部之安車骨部金人肇基王迹於此因謂之金源

按金人建都會寧卽阿城南四里之白城以金人色尚白故謂之白城清曰阿勒楚喀亦

曰阿什河今之珠河確屬會寧畿輔之地

宋宣和元年金主遣李善慶勃海人及索都持國書並北珠生金等物同馬政來

修好議夾攻遼

按珠河縣境瑪琏河亮珠河烏珠河均以產珠得名金宋時稱曰北珠清代

曰東珠

宋宣和五年金主去燕京六月有疾八月至布圖濼舊作伯塔即伯都訥故城卒是年九月

金葬太祖於海呼城西

按海呼金上京地舊名海古勒卽今俗呼之海溝也距金上京東北三十里

珠河縣西北百八十里

宋建炎二年金以二帝赴上京金主命以素服見金太祖廟遂見金主於乾元殿徙二帝於韓州與徙者九百餘人至韓州同處給田十五頃令種蒔以自給按徽欽所赴之上京卽今之白城故址也惟徙處韓州相傳爲遼主市鷹之地徽宗善畫鷹性之所嗜預兆讖運

宋建炎三年宋遣徽猷閣待制洪皓使金金人拘之流遷冷山

按舊說言冷山者莫衷一是清光緒二十年五常縣南小城子發見完顏希尹墓碑希尹府宅去墓地諒不甚遠洪皓在希尹家教讀用樺皮習書著有松漠紀聞所指爲冷山者北距金都二百餘里卽小城子附近之慶嶺也屬舒蘭縣境距珠河二百餘里

金毓黻遼東文獻徵略云洪皓所居之冷山在今吉林省何地何名何山吉林通志未嘗言及松漠紀聞言冷山者凡三一曰寧江州去冷山百七十里

一日冷山去燕山三千里去金國都二百餘里一日長白山去冷山千餘里

高士奇扈從日錄云額木赫索羅站即額穆縣治東北二百餘里自必爾罕必喇

北望相去約數十里積素凝寒高出衆山之上土人呼爲白山洪皓所居也

魏邵卿云必爾罕今爲寧安縣西路第二站站旁必爾罕河必喇滿語河也發源額

穆縣北境山中源流二百里東南入鏡泊湖爲牡丹江之旁源額穆之張廣

才嶺原註即色齊窩集綴按一名嵩嶺北幹東折爲螞蜒雞爪諸嶺是冷山爲今五常縣東

南山嶺無疑特所謂與陳王府鄰穴處者百餘家故址尙待訪訊耳吉林地

冷山按宋史洪皓本傳冷山距金主所都僅百里當從松漢紀開及地苦寒

四月草生八月已雪穴居百家陳王烏舍聚落也今經訪得希尹全族之墓

在今舒蘭縣小城子地方則其穴居百家之聚落去墓地必不遠茲得二證

松漠紀聞謂寧江州去冷山百七十里所紀里道亦爲約略之辭茲經證明

寧江州在今扶餘縣境傍松花江右案一帶之地吉林通志謂小城子在吉

林城東北一百五十里時舒蘭未設治其地去松花江不過二百里與洪氏所紀甚

合其證一也必爾罕在寧安縣城西以地望測之距金上京故地即阿城南四里之白

城約四百里冷山若在其北數十里亦為三百餘里與洪氏所云去金國都

二百餘里之數差違太甚若小城子距金上京僅三百里冷山若再少北則

二百餘里矣亦與故書甚合其證二也按今地圖小城子附近有南慶嶺北

慶嶺即青嶺之異名疑即冷山小城子之東地名和倫今稱靈倫川滿語谷也和倫二

字亦與冷音相近以其地帶甚冷故洪氏稱之為冷山希尹之族聚居於是

必非在山上名之為冷山者以其居於山谷之中也小城子附近有一古城

周圍三里中有石虎二高三尺小城子在古城南周二百步意即洪氏授讀之地與今既

有希尹墓地可尋徵之載籍里道亦合自不應於墓地數百里之外別求所

謂冷山者可斷言也洪氏又云冷山去燕山三千里長白山千餘里皆約略

之辭以無資於考證故不之及

方輿紀要冷型山在扶餘衛境一作冷陁亦曰冷研在黃龍之北

寧安縣志

謂即冷型山不知冷型山在熱河境其說大誤

宋紹興八年金以會寧爲上京會寧金之舊土初稱爲內地至是升爲上京會

寧府

按會寧爲金之舊都以里道計之今珠河全境尙在京畿甸服以內

宋淳熙十一年金大定二十四年金主如會寧曲赦會寧府放免今年租稅百

姓年七十以上者補一官謂羣臣曰上京風物朕自樂之每奏還都輒用感愴

還燕也

祖宗舊鄉不忍捨去萬歲之後當置朕於太祖之側卿等勿忘朕言遂宴

宗室宗婦於皇武殿賜官賞賚有差曰尋常朕不飲酒今日甚欲成醉此樂亦

不易得也宗室婦女及羣臣故老以次起舞進酒金主曰吾來數月未有一人

歌本曲者吾自爲汝等歌之其辭道王業艱難及繼述之不易至慨想祖宗宛然如覩歌畢泣下羣臣宗戚捧觴上壽皆稱萬歲於是諸夫人更歌本曲如私家之會既醉金主復續調至一鼓乃罷明日發上京宗室戚屬奉辭金主曰太平歲久國無征徭汝等皆奢縱往往貧乏朕甚憐之當務儉約勿忘祖宗艱難因泣下數行宗室戚屬皆感泣而退金主遂行

按金人首都會寧海陵王遷都燕京會寧稱上京路金主云萬歲之後當置朕於太祖之側考金太祖葬於海古勒後改葬房山

按金史上京卽海古之地國言金曰按出虎

亦名按春虎

以按出虎水發源於此

故名金源取建國號稱爲內地天眷元年號上京海陵貞祐二年遷都於燕削上京之號止稱會寧府大定十三年復爲上京領節度四防禦一縣一鎮一舊有會平州天會二年築契丹之周特城後其宮室有乾天殿慶元宮

天會

十三
年建辰居殿景暉門天眷元年建敷德殿延光門又有寢殿曰宵衣書殿曰稽古

又有明德宮明德殿金熙宗享太宗御容之處太后所居也涼殿皇統二年

構門曰延福樓曰五雲殿曰重明東廡南殿曰東華次曰廣仁西廡南殿曰

西清次曰明義後東殿曰龍壽西殿曰奎文復有時令泰和武德薰風等殿

興聖金德宗所居永祚金睿宗所居光興金世祖所居等宮正隆二年命吏部郎中蕭彥良

盡毀宮殿宗廟諸大族邸及儲慶寺大定二十一年復修宮殿建城隍廟以

暨東其城按出虎水側建皇武殿爲擊球校射之所雲錦亭臨猗亭爲籠鷹

之所今其遺址漸致湮沒

金史地理志上京東至胡里改六百三十里西至肇州五百五十里北至蒲與

路七百里東南至恤品路千六百里至曷懶路千八百里又洪忠宣路程上京

三十里至會寧頭鋪四十五里至第二鋪三十五里至阿薩鋪四十里至涑流

河四十里至報打孛厘鋪七十里至賓州渡混同江則是金之上京確在今寧古塔之西混同江之東其去混同江僅二百六十里以今道里計之應在色出窩集亦名色齊窩集左右而色出窩集嶺上土城址尙在今人指爲金時關門者

按金上京東至胡里改六百三十里胡里改卽今之寧古塔今珠河縣境西距上京故址二百二十里東距胡里改四百里里道適合又稱在混同江之

東二百六十里當指江上游而言按卽今之扶餘縣境紅石碣子渡口

遼略云前人考論金之上京會寧府者或以謂今寧安之火葺城卽東京城清道咸以前咸

持此或以謂其故城在阿勒楚喀發源之地色齊窩集左右滿州源流考如此說皆誤惟

曹廷杰東三省圖說謂上京會寧府卽今阿勒楚喀城南四里之白城故址吉林

通志二其說始定十四引

金史地理志上京路卽海古勒之地獻祖居此始有棟宇之制熙宗天眷元年

號曰上京曹氏謂今城東北二十餘里有海古水俗呼海溝卽海古勒其說甚確

元滅金師至開元率賓卽今之綏芬河已未立開元萬戶府治黃龍府至元十三年改

爲開元路方輿紀要云開元者金上京境內地名元平遼東引師至此遂平其地時上京一帶俱已殘燬因改建開元路其指三萬衛卽會寧者誤也

元史地理志謂開元路卽唐之黑水府又滿州源流考謂開元路所轄甚廣吉林寧古塔皆在其中

按元滅金上京會寧府兵燹後已遭殘燬南移三萬衛地設開元路卽今之農安城今珠河縣境當屬元之開元路

明置奴兒干都司窩集衛永樂時邊外歸附者官其部長賜以敕書仰信設都司衛所永樂元年置窩集衛二年置窩集左衛右衛後衛四年置窩集前滿語

呼森林爲窩集明萬曆時窩集爲清所併仍稱窩集部

按明代滿州可分爲二其一部隸明之版圖一部爲明之衛所滿州源流考謂白山之納殷東海之窩集等部明人曾未涉其境永樂二年仿唐羈縻州之制設尼嚕罕衛七年改爲尼嚕罕都司又設衛所之空名其疆域遠近山川道路多在傳聞疑似之間抑知尼嚕罕卽努兒干明人用兵自開原北至哈爾濱東北向松花江沿岸而下出韃靼海峽武功之盛遠及於東北山川皆在永樂宣德二朝明實錄云永樂二年女真野人來朝置努兒干衛等窩集部當悉衆歸附是以同時設衛奴兒干都司所屬三百八十四衛二十四所珠河原稱明之瑪琏河衛亦曰瑪琏窩集嶺清史指爲羈縻衛所特清人諱言之耳

清天聰天命屢征窩集部窩集卽渥吉也蓋其人散居窩集之中卽以爲部名

也古代以此名國不止沃沮一國如魏之勿吉隋之靺鞨唐之拂涅遼之渥惹金之烏濟皆與窩集字異音通以森林爲窩集而因以名國歷代未有改也

按窩集部清初屬呼爾哈路

即甯古塔

轄境清乾隆九年設阿勒楚喀副都統瑪

琿河改歸阿城管轄清光緒五年吉林將軍銘安奏設賓州同知置分防巡檢於燒鍋甸子二十八年設長壽縣巡檢移駐一面坡珠河全境卽長壽管界也

中華民國三年六月長壽更名同賓以金源時代曾設賓州於上京路民國五年同五兩縣土地清丈勘放官荒二十七處因幅輳遼闊治理不易邑紳沙振洛宋子馨尤玉書邢耀庭劉鳳五譚恆久葛輔宸等捐資聯名請求設治民國十一年四月奉令准予設治與同賓五常葦河劃疆分治命名曰烏珠河設治局民國十五年當道議撤烏葦兩局設縣治於一面坡設治員孫荃芳恐珠葦

珠河縣志
卷之二
地理志
珠河

人士互起爭議致生糾紛力請維持原案幸蒙邀准改設縣治名曰珠河

按珠河以產珠得名清代設打牲烏拉管貢魚珠東珠最美或云色稍暗者

曰烏珠縣之錫名珠河蓋因水而得名焉

珠河在兩河之東舊名打牲烏拉管貢魚珠東珠最美或云色稍暗者

中珠河在兩河之東舊名打牲烏拉管貢魚珠東珠最美或云色稍暗者

珠河在兩河之東舊名打牲烏拉管貢魚珠東珠最美或云色稍暗者

珠河在兩河之東舊名打牲烏拉管貢魚珠東珠最美或云色稍暗者

珠河在兩河之東舊名打牲烏拉管貢魚珠東珠最美或云色稍暗者

珠河在兩河之東舊名打牲烏拉管貢魚珠東珠最美或云色稍暗者

珠河在兩河之東舊名打牲烏拉管貢魚珠東珠最美或云色稍暗者

珠河在兩河之東舊名打牲烏拉管貢魚珠東珠最美或云色稍暗者

珠河在兩河之東舊名打牲烏拉管貢魚珠東珠最美或云色稍暗者

珠河縣志

輿地志

地質

鄉土志謂長白山脈屬太古層吉林地理志謂全省地勢東北高而西南低愈高則地層愈古至吉林鑛務紀要謂凡屬含沙金鑛牀之地層大半爲花崗岩及片麻花崗岩或閃綠岩與接觸變質之石灰岩所構成如甯安北三姓等處大半爲片麻岩及花崗岩所成中華地理志謂滿洲之大部以太古及古生代之岩石而成而其中各處多混雜沙岩圓礫岩及石灰岩又謂冲積成之地僅屬於遼河松花江流域一部分據此珠河境內諸山乃長白山之分幹河流均入於松花江匯流大青川一帶兼有發見沙金鑛者並驗之人民鑿井首入乃植物腐化之黑土尺許多黃白土

俗名狼糞土及蒜瓣土

再下則見石沙常爲太古古生

代即花崗岩之岩加以石灰岩混雜沙岩而成謹述以大概形狀待他日質之地學

專家考證可耳

... 之岩... 其中... 石灰岩... 混雜沙岩... 而成... 謹述以大概形狀... 待他日質之地學... 專家考證可耳

賦

賦

賦

珠河縣志

輿地志

暑刻

立春

雨水

驚蟄

春分

清明

穀雨

立夏

小滿

日出七時四分

日出六時四十七分

日出六時二十七分

日出六時三分

日出五時三十八分

日出五時十五分

日出四時五十五分

日出四時三十九分

日入五時二十一分

日入五時四十分

日入五時五十六分

日入六時十分

日入六時二十七分

日入六時四十分

日入六時五十七分

日入七時十四分

芒種 日出四時三十三分

日入七時二十四分

夏至 日出四時三十分

日入七時三十一分

小暑 日出四時三十八分

日入七時三十分

大暑 日出四時五十一分

日入七時二十三分

立秋 日出五時五分

日入七時六分

處暑 日出五時十九分

日入六時四十七分

白露 日出五時三十四分

日入六時二十二分

秋分 日出五時四十八分

日入五時五十七分

寒露 日出六時三分

日入五時三十三分

霜降 日出六時二十分

日入五時九分

立冬 日出六時四十分

日入四時五十一分

小雪 日出六時五十八分 日入四時三十分

大雪 日出七時十分 日入四時二十五分

冬至 日出七時十七分 日入四時三十六分

小寒 日出七時二十一分 日入四時四十九分

大寒 日出七時十八分 日入五時二分

按珠河晷刻依中央觀象臺北北京經緯度推測並證之實地測候較北京稍早八九分不等

大連 日出四時三十分 日入七時三十分

旅順 日出四時三十分 日入七時三十分

金州 日出四時三十分 日入七時三十分

瓦房店 日出四時三十分 日入七時三十分

庄河 日出四時三十分 日入七時三十分

東港 日出四時三十分 日入七時三十分

大港 日出四時三十分 日入七時三十分

小港 日出四時三十分 日入七時三十分

老港 日出四時三十分 日入七時三十分

大港 日出四時三十分 日入七時三十分

小港 日出四時三十分 日入七時三十分

珠河縣志

輿地志

氣候

立春以後 由九十度至二十八度

春分以後 由二十八度至五十一度

立夏以後 由五十一度至六十四度

夏至以後 由六十四度至七十一度

立秋以後 由七十四度至四十八度

秋分以後 由四十八度至二十六度

立冬以後 由二十四度至七度

按前列度數係以華氏表測之最高不過九十二度最低至冰點下四五

遊度爲止每歲寒露前後卽能見雪霜降前後水卽結冰穀雨後冰可泮夏
立至後漸入盛暑處暑後天氣漸涼矣夏多南風冬多北風曇雪春秋亦時

多烈風

由四十八次至二十六次

立時以對

由十四次至四十八次

夏至以對

由六十四次至六十二次

立夏以對

由五十二次至六十四次

春分以對

由二十八次至三十二次

立春以對

由十次至二十八次

與風志

與風志

河間縣志

珠河縣志

輿地志

山脈

合肥徐曦云長白山北幹分支曰小白山脈綿亘於松花江虎爾哈河之間其脈自東南而西北乃吉省中部一大分水嶺也自英額嶺一支脈西走爲你牙弁哈達嶺折而北趨重巒修阜亘三百餘里是爲老嶺自吉林趨甯安官道嶺東谿流複雜皆牡丹江之源嶺西流水卽松花江之支流以拉林河爲最大老嶺之脈東轉而成一大蟠結凡東入牡丹江西北入松花江諸水皆導源於此自老嶺分支數脈並走徧布於五常同賓境內東亘於牡丹江左岸西北達於松花江右岸橫亘於拉林河與阿什河之間者爲一支脈阿什河與瑪琏河之間者爲一支脈趨勢自東南而西北清吉林將軍銘安奏稱阿勒楚喀所屬瑪

琿河川地方兩面大山寬數十里自北面山口直達南山綿亘二三百里此卽老嶺分支之山脉也

按瑪琿河右岸東抵於東大亮珠河當屬又一支脉東亮珠河東迄今牡丹江中間乃老嶺之幹脈卽俗稱之東老嶺也瑪琿河與阿什河之間卽西老嶺珠河縣境跨瑪琿河兩岸河東卽東嶺河西乃西嶺卽銘安所稱之兩面大山也

大高麗山 珠河城東二十里

二高麗山 珠河城東十八里高力河導源於此

三高麗山 珠河城東二十五里

會才嶺 珠河城東十里

高麗帽子 珠河城東六里

石門山

珠河城東南五里兩峯對峙若門戶故名以石門

孫山

珠河城東南十八里

興隆山

珠河城西北五里屯名興隆溝

煤窰崗

珠河城南十二里

龍頭山

珠河城南二十里

以上一區管界

鞭桿台

珠河城東南三十里產暖木條子可製鞭桿

羴羊碓子

珠河城東南三十五里此山產羴羊即山羊

四方項子

珠河城東南五十里山西南即朝陽川程家營

三道黃梁子

珠河城東南六十里與葦河分界處

鳳凰碓子

珠河城東南五十五里

一面坡山 珠河城東南四十里一面坡街即昔年之西小營子

九節泡西崗 珠河城東南四十里

土門子嶺 珠河城南四十里南金沙河發源處

以上二區管界

十里東嶺 珠河城東南七十里

瑪琏窩集嶺 珠河城東南八十里西黃泥河發源處

夾板山 珠河城南八十里

沙河嶺 珠河城南五十里沙河子發源處

南北岔 珠河城南七十里

牛心頂子 珠河城東南百里以東鞏河界

大高山 珠河城南百一十里山西即五常界

豹馬川

珠河城南百里即大泥河上源以上諸山均在大泥河東岸

長崗

珠河城南百一十里

東草帽頂子

珠河城南九十里

草帽頂子

珠河城西南八十里大泥河上源支流小石頭河發源

一棵松

珠河城西南九十里與五常分界處

馬駝子溝

珠河城西南八十里

盤寶山

珠河城南七十里

南嶺子

珠河城西南七十里

九頂山

珠河城六十里小黑河發源處

腰八里

珠河城西南五十里大小元寶河發源處自一棵松至腰八里均在大泥河左岸與五常連界

珠子營

珠河城西南四十五里

長山頂子 珠河城西南五十五里

南珠子營 珠河城正南六十里因產珠得名

大青川 珠河正南九十里

東腰八里 珠河城南五十五里

四個頂子 珠河城南五十里

老爺嶺 珠河城西南四十五里即西分水嶺之總匯

以上三區管界均在大泥河右岸

雞爪頂子山 珠河城西四十里南北六道河子半截河子均發源於此山

四方頂子 珠河城西四十五里大石河發源處

東紅石摺子 珠河城西五十里烏吉密河發源處

西紅石摺子 珠河城西北七十里西北河發源與雙城分界

向陽川 珠河城西三十五里

以上四區管界

筆架山 珠河城西北七十里與雙城分界處

扇面子山 珠河城西北六十里亦烏吉密河支流來源

春秋嶺 珠河城西北四十里烏吉密河來源嶺上有大小土埠二狀似關羽讀春秋故名

對面礮子 珠河城西北五十里三官河發源處

西老爺嶺 珠河城西北九十里城西北諸山皆西老爺嶺之支脈

花礮子 珠河城西北百里西即駝子道小亮珠河發源處

腰嶺子 珠河城北五十里

大豬圈 珠河城北四十里

青溝子石縫 珠河城北五十里

三關礮子

珠河城西北六十里

牛心山

珠河城西北二十里

大黃頂子

珠河城西北三十里

以上五區界屬西大亮珠河右岸

大鷹山

俗名岱王礮子高度爲全境各峯之冠黃玉河子導源於山之西麓珠河鎮東四十里

大青頂子山

珠河縣治東南五十里與鞏河分界處東黃玉河子導源於此

元寶頂子

珠河縣治東北五十里東西黃玉子在山東北合流

元寶頂子山

縣治東北五十里

乾坤嶺

珠河城東北三十五里金沙河導源於此

以上六區管界

按瑪琿窩集嶺疑卽瑪展窩集吉林通志海蘭窩集在寧古塔城西北二百

里西接畢爾罕窩集與瑪展窩集毗連綿亘數百里又畢爾罕窩集在甯古
塔西北二百二十里西接塞齊窩集以今日道里計之則畢爾罕窩集與塞
齊和倫兩窩集包括珠河全境在內

三、嶺南

平心山

大嶺山

以上五區

大嶺山

大嶺山

五嶺山

元豐山

嶺南

嶺南

嶺南

珠河縣志

輿地志

河流

珠河全境較大者曰瑪琏河曰西亮珠河曰大泥河餘皆三河支流瑪琏河導源於畢展窩集嶺卽東老嶺經過葦河珠河同賓方正四縣入松花江西亮珠河導源於同賓西北太平嶺南麓策源處一瀑布奔流百里南流入珠河北境入瑪琏河大泥河導源於大青龍山卽長崗經過縣三區四區西入五常界匯莫勒恩河入拉林河西經雙城榆樹扶餘等縣入松花江諸水或導源於鄰縣至本境合流或發源於縣境而流入他縣用敢溯源竟委爲考據河流者作一嚆矢焉

瑪琏河流域考

瑪琏河源出東老嶺之西麓畢展窩集六道河子卽南源臭松溝子太平川十五里地係北源西行數十里左岸匯石頭河西至牙不立站黃泥河子注之又西至葦河縣治大肚子川河葦沙河合流自南岸注焉北岸受賈家溝又西至沙不花拉南受大連河又西北納九節泡至鳳凰溜子入珠河境二道橋河流跌曲至頭道橋鐵路橋梁折向西北沙河子自南來注之又西北三十里抵石門山高力河自東來注之又西北至縣治東西烏吉密河水曲柳河黑心力河合流注之又北至九間房大小亮珠河自西合流注之又折向東北入同賓界東受鴨子河又北至平安堡空心柳河自東南來注之又折向東北受西柳樹河又東行南受黃玉河又東北受石頭河至同賓縣治北受柳樹河南受長壽河又東受東長壽河折而北趨東烏吉密河關門咀河金鳳河荆家台河均由東岸注之西岸受小金沙河小凌河小柳樹河至夾

信子東大亮珠河挾衆水來匯北趨至柞木台受西大凌河東受石頭河又北東受大黃泥河入方正縣界西受甬子河至牆縫入松花江
按瑪琏河流域上下約五百里自珠河縣治東河口至入江處有航行小輪之可能兩岸水田甚夥試種稻田多係韓人

西大亮珠河流域考

西大亮珠河源出太平嶺興隆山屬同賓界西北老黑頂河太平嶺河合流而成大亮珠河其太平嶺之一源水自峯頭突瀉嚮振山谷入冬結冰冰上聚水水又結冰積成冰谷巨二三里許行旅車馬畏之至黑龍宮前西接楸皮囤河牛心山前西受小亮珠河南行至城牆碓子前折而東入縣境入瑪琏河

按飛泉瀑布西人製造麵粉機器多利用之我國實業家尙未闢此利源

大泥河流域考

大泥河源出縣境之南長崗卽青龍山之豹馬川西北流至盤寶山東小石頭河自西來注之又西北至大青川金沙河自東來注之又折西抵龍王廟復北趨珠子營小黑河自西南注之又折西行大小元寶河自南北流注之又西北六道河南流注之又西半截河大石頭河合流自南注之又西至紅石碓子前石頭河會西北河南流注之入五常縣馬家店龍王廟小泥河南流注之又西至上劉家店小葦沙河北流注之又西至房身崗與莫勒恩河會流西下北匯五道河子南匯條子河籐子河拐棒河至牛吉角與拉林河合流入雙城榆樹交界處楸皮溝南注之西至鮎魚岔半截河北注之又西至龍家營子老虎溝北注之又西至灰塘溝北注之經過扶餘縣珠兒山哈長路線趨向西北至牛營子得勝陀北流至黑沙陀子入松花江上下約七

百餘里兩岸水田極廣

瑪埏河

滿語瑪埏肘也河入縣境成一大曲勢故名

沙河子

高麗河

以山得名

烏吉密河

烏吉窩集音通森林以內樹老心空蜂入釀密土人得蜂蜜一樹重逾百片名以烏吉密或即森林養蜜之義

水曲柳河

產水曲柳鞭杆

黑心力河

源出煤窰崗水色黑

西亮珠河

以產珠得名

鴨子河

源出乾坤嶺西麓土人於此獵鴨雁或云河曲如鴨頸故名

小亮珠河

空心柳河

產空心柳可以製烟管

黃玉河子

原名黃泥河分東南西南兩岔

柳樹河

兩岸產老柳可以製木盆木梳

以上諸河均瑪琏河支流

大泥河

小石頭河

南北岔河

金沙河

小黑河

大元寶河

小元寶河

六道河

半截河

大石河

石頭河

西北河

以上諸河均大泥河支流

按畢展滿語邊也瑪琿河導源於此清代寧古塔與阿勒楚喀分界東老嶺乃天然界址名以畢展窩集殆因此與

附珠河縣界址圖說

珠河環境皆山河流隨之因其錯綜毗連劃分界址或限以山脉分水或標以河流交匯雖犬牙相錯而適取於天然界線職方司險以辨其山川面積之大小土質之肥瘠賦稅之等級所謂仁政必自經界始也界址之所關顧

不重與

上覆之強悍... 以兩河交... 莊河... 備和...

已... 莊河...

對... 以土...

西北河

汗國河

大江河

中流河

珠河縣志

輿地志

疆界

珠葦兩縣界址圖說

一 珠葦兩縣界址經劃界員協議以大青頂子爲珠葦兩縣基點葦河應得元寶頂子各地讓與珠河管轄以期便利

一 由大青頂子北流水之中心點起循東北行沿大青龍山中心分水取子午線直至東南岔河口對過止轉東取卯酉線至河口交匯處止其北端以鐵道起西量四里爲止其大青頂子北流水及大青龍山西流水並東南岔河口之西北部連同元寶頂子均歸珠河管轄其大青頂子南流水及大青龍山東流水並至東南岔河口子午線以東均歸葦河管轄

一 由大青頂子北流永之中心點起循西南行至四方頂子山中心分水再沿各山分水取子午線直至三道黃梁子山中心分水止以官荒事務處丈放大青頂子西段及四方頂子原圖爲標準其大青頂子北流水四方頂子西流水及四方頂子至黃梁子子午線各山之西流水均歸珠河管轄其大青頂子南流水四方頂子東流水及四方頂子至黃梁子子午線各山之東流水均歸葦河管轄

一 由三道黃梁子山中心分水起西行沿黃梁子大崗中心分水至鳳凰嶺中心分水轉南行至二道橋止以官荒事務處丈放于家營子第八圖東邊線爲標準其三道黃梁子至鳳凰嶺各山之北分水及鳳凰嶺西分水均歸珠河管轄其三道黃梁子至鳳凰嶺各山之南流水二道橋至鳳凰嶺之東流水均歸葦河管轄惟官荒事務處丈放九節泡卽朝陽坡葦五

圖繪列日盛堂公豫堂四德堂三段地點坐落于家營嶺東鳳凰山嶺北李禹欽純忍堂永和堂五段坐落黃梁子北溝此次該地段既劃歸珠河管轄該戶等之地照隨地轉應由珠河縣照章劃撥以清界務而杜糾葛

一
由二道橋起南循九節泡卽朝陽坡西崗分水至沙河子道岔九里地止轉東至莖草頂子中心分水再南循瑪琏窩集嶺中心分水至二十四里地再轉西南行入東草帽頂子中心分水沿灰菜頂子中心分水經過小葦沙河至老龍山北大崗止其九節泡西崗西流水莖草頂子南流水西南流水瑪琏窩集嶺西流水東草帽頂子及灰菜頂子西流水老龍山北大崗之西北流水均歸珠河管轄其九節泡西崗之東流水莖草頂子西北流水瑪琏窩集嶺東流水及草帽頂子灰菜頂子各山東流水南流水老龍山北大崗東流水均歸葦河管轄

一 五葦界址南部指定係瑪琿窩集嶺西行至東眉山轉南經過小葦沙河至老龍山止而五烏界係由元寶河沿長崗轉西南行至火石山止查長崗係在東眉山迤東若五葦界堅持東眉山爲定點勢必將五烏之界橫斷委員協議對於五葦界此次以東眉河爲定點烏葦界則以東草帽頂子及灰菜頂子爲定點其東草帽頂子迤西直至東眉河一段勿論面積廣狹葦河完全讓與烏珠河管轄以期銜結而免中斷

珠五兩縣界址團說

一 珠五界址以筆架山爲起點

即荒圖背夾山

以西之地由西紅石礮子西分水至

大青山西分水再至大元寶河口如馬家店紀家溝五十二戶兩道眉威

呼嶺駝腰子九個頂子以西至馬驟子溝以南延南崗子以南至火石山

即荒圖大面山

以南勿論官荒熟地均歸五常縣管轄其由筆架山

即荒圖背板山

以東

西紅石礮子東分水沿石頭河子西北岔直接大青山東分水至大元寶
河口沿大元寶河九個頂子迤東向東斜指馬駟子溝以北沿長崗子以
北至火石山即荒圖
大面山無論官荒熟地均歸珠河縣管轄再官荒熟地無論
劃歸何方均按官荒熟地各原定章則辦理以免糾葛

珠同兩縣界址圖說

一 珠同界址仍遵民國十二年 道署派錫委員勘定界線以元寶河子爲
基點由元寶頂子西循南崗經空心柳子溝鴨子河沿瑪琏河至大亮珠
河口再沿大亮珠河西循牛心山至大土頂子以北歸同賓管轄以南歸
珠河管轄凡以嶺爲界者按嶺之分水定界址以河爲界者以河之兩岸
爲定界至沿邊一帶無論生熟官荒租地騰空蓋被各照契悉遵田賦局
令准照隨地轉辦法辦理劃歸同賓者歸同賓安置劃歸珠河者歸珠河

珠河縣志

輿地志

村屯

珠河縣全境村鎮

警察第一區村鎮距離里數

村鎮

距縣里數

距區里數

珠河縣城

警察第一區駐在地

興隆溝

二里

一里

富貴橋屯

二里

一里

附郭村

二里

一里

都錫福屯

五里

四里

石門鎮	孫家店	范家屯	大河口	隆興堡	王德鄰屯	會才頂子	三義河	南蹕子	石咀子屯	丁山堡
十六里	十二里	十二里	四里	四里	十里	十里	七里	七里	七里	五里
十四里	十里	十里	六里	三里	八里	八里	六里	六里	六里	四里

石門山屯

十五里

十三里

大高麗

二十里

十八里

二高麗

二十里

十八里

六合屯

十六里

十四里

鴨子河

十六里

十四里

王大甸子

二十二里

二十里

羅鍋橋

六里

六里

北台子

二里

二里

興隆屯

十里

十里

馬榮亭屯

三里

三里

缸窰屯

四里

六里

第二區村鎮距離里數

村鎮

距縣里數

距區里數

一面坡

警察第二區駐在地

四十里

十二段

五十里

二十里

沙溝子

二十五里

十五里

太平河

三十里

十八里

雅庫尼

俗名一姑娘站

二十里

二十里

大櫃屯

二十里

二十里

鞭桿台

三十里

二十里

程家營

五十五里

二十五里

大嶺

五十五里

二十里

于家營 五十里

頭道橋 五十里

沙河子四里地 五十五里

六棵楊 三十五里

廟東溝 即一面河北 四十里

第三區村鎮距離里數

村鎮 距縣里數

珠子營 警察第三區駐在地 七十里

元寶河 七十五里

大青川 八十里

金沙河 六十里

十里

十里

十五里

四十五里

五里

距區里數

五里

三十里

十五里

六里六 五十五里

十五里

朝陽坡 四十五里

三十里

大太平溝 四十五里

三十里

小太平溝 五十五里

二十里

石頭河子 七十里

三十里

沙河子十一里地 六十五里

五十里

姜家溝 六十五里

二十五里

第四區村鎮距離里數

村鎮 距縣里數

距區里數

烏吉密鎮 警察四區駐在地

十八里

春秋嶺

金家街

鄭家街

石家街

谷家街

太平溝

西腰棚

土門子嶺

慶安村

稻田屯

慶陽屯

對安屯

對安溝

東平屯

太平屯

太平溝

腰棚

山北屯

中央村

平安村

龍山村

東平村

紅旗村

五十五里

四十五里

四十五里

五十五里

七十里

六十五里

六十五里

六十五里

六十五里

六十五里

十五里

三十里

三十里

二十里

三十里

五十里

二十五里

太平村

剪桿嶺

三間房

三九天

後林窩棚

歪脖嶺

西北岔

三股流

六馬架

甯家店

小黑河子

大青山

夾信子

太平川

韓家窩鋪

葦塘溝

婁家窩鋪

小柳河子

北六道河子

南六道河子

第五區村鎮距離里數

村鎮

距縣里數

距區里數

亮珠鎮 警察第五區駐在地

三十里

趙成功屯

二十里

十里

盆窰村

十里

三十里

春秋嶺屯

二十二里

十八里

牛心山屯

二十五里

十五里

徐家屯

三十里

十里

楊樹村

三十五里

十里

候林道岔村

三十里

十里

石縫村

三十九里

十一里

關門咀子

四十里

十八里

青溝子屯

四十五里

十五里

大豬圈屯

四十五里

十五里

土頂子屯

五十八里

十八里

駝腰嶺

五十五里

十五里

孟家店

五十七里

十七里

老爺嶺村

六十五里

二十五里

第六區村鎮距離里數

村鎮

距縣里數

距區里數

元寶鎮 警察第六區駐在地

五十里

十六里

三高麗屯

二十五里

二十五里

老西蹕子

三十里

二十里

鐵甬溝屯

三十里

二十里

空心柳樹溝

三十里

二十里

平安堡

二十五里

二十五里

乾坤嶺屯

二十二里

二十八里

李家營

三十五里

十五里

大青頂子屯

五十里

八里

元寶頂子屯

五十五里

五里

四方頂子屯

五十五里

十里

朝陽川

六十里

二十里

西南岔

四十五里

十里

黃玉河子屯

四十五里

五里

金沙河

四十五里

五里

按招墾時代人民自由佔領向未規劃村制茲經調查所載爲某村某屯者譬如會才嶺屯嶺之前後左右俱名爲會才嶺屯並非單指一村餘可類推爲防禦匪患擬歸併村屯以便守望相助案經珠河縣知事孫荃芳葦河縣知事董春魁同賓縣知事韓迺廉樺甸縣知事胡聯恩五常縣知事鄭秉璋額穆縣知事趙愛公同議決辦法應有研究之點如下

附原案

- 一 本省各縣放荒招墾原未規定屯基相習自由築室地內倘一變遷必發生困難應予以利益方免阻撓辦法擬由未放官荒夾荒內勘定屯基仿奉天
- 二 園辦法請免租賦既輕負擔易促速成必須佔用民有土地仍以官荒夾荒照數撥補遇有墾熟加成互換總以該地建設適宜村屯爲是
- 一 屯基既屬國家官荒互換成立不納租賦但大屯只限一方黑小屯半之在

國家損失有限而人民受益良多並於地方治安關係尤大將來其他收項當豐

一已有大戶建築既多通令遷移勢必梗阻擬於凡有大戶之處卽遷就作爲屯基使附近來附所佔之地如生荒卽以官荒撥補熟地加成撥給以昭平允

一歸併之村屯至少限在十家以上免蹈前轍零落之弊

一自劃定屯基後凡後來之墾戶無論何人均宜在劃定之村屯築室次第佔築滿規定之方里外公家不再撥地

一凡後來墾戶均須報明百十甲長酌量所墾地段宜併入何屯爲相當再行築建房屋以期完成村落如不遵守卽以違背功令議罰

一無官荒縣分宜飭警傳集地方大戶勸令招留居住並撥給未墾之地歸其

耕種以免散漫而期自衛

附載伯都訥勘放號荒建設村屯辦法

今扶餘榆樹兩縣管界

收扶餘榆樹兩縣號荒地仿照奉天三園辦法按治本於農務茲稼穡八字編定號數每字由一號至二十五號統計二百號每號爲一村每一字編定二十五號每號地數九百晌爲一大村小村四百五十晌每一大號多不過二村屯基永遠不徵租賦基內三園卽植樹園房園場園規定村制以便守望號荒招墾已逾百年迭經大股匪患人民自衛地方軍警從無顧此失彼之虞卽村制之所賜也扶餘縣津貼地按兵安營伍民樂田收八字編定村制每字定爲十五村共一百二十村亦此義也